

再續華州志

卷十三	卷十二	卷十一	卷十	卷九	卷八	卷七	卷六
良吏傳	官師列傳	藝文志	省鑒志	物產述	田賦志	風俗攷	祠祀志

光緒壬午年鐫

劉域題籤



再續華州志卷之七

勝州鎮益縣

曠如山人史 蕁續次

蘇揚田培因

江寧樸存汪以誠編閱

成紀舊鄒浩

全校

會稽蔣三達

人物上 仕宦賢良

華於周爲畿內地沐文武之化鍾二華之靈故
歷代不乏偉人傑士前志載之詳矣茲卽百有
餘年之賢良方正可以型方範俗者分類誌之
以似續焉其現存者弗錄蓋取蓋棺後定之義

再續華州志卷之七

仕宦賢良

一

且以杜私也

仕宦賢良

郭公忱由舉人任浙江嵯縣嵯地土瘠民貧忱蒞
任卽課農桑興學校發奸摘伏豪猾歛跡時海氛
未息聞帥俞與陳宦有隙假支應不給爲詞將爲
亂各路俱爲嚴戒忱於夜半奉巡撫檄子身赴營
招安諭俞以大義并曉以利害言辭愷切其事遂
解後以勞勤卒於官輓歸嵯民老幼泣送者不絕
人鄉賢享祀 補遺出府志

李公星曜字並三善詩賦尤精舉子業以副貢授

河南嵩縣知縣寬厚仁恕有勸農課士輕徭薄賦諸善政嵩民來關西者多樂道之

馮公士奇由選貢授泗州同知智慮敏達理繁治劇有善政焉

王公帷籌順治戊子解元先當李闖逆變起時負母入山備歷艱苦康熙四年授山西祁縣知縣創

脩義學課藝無虛日祁水舊為豪強所據帷籌責令毀壩資民灌溉婦子携羊酒躋堂祝之且立祠

祀焉入鄉賢祠子廷璣蘭州學正廷城康熙庚辰進士任繁昌縣廷璣潼關衛教授孫文煥庚子副

再續華州卷之二

任宦賢良

二

貢官至歸順州知州秉孝乙卯副貢任茶陵州判

曾孫士榮乾隆甲戌進士官翰林歷任刑部郎中督學貴州雲南用鏢貢生現任直隸順德府知府

士華庚子舉人其列膠庠成均者則又不能悉數

也

李公名世字王臣唐村人順治丁酉舉人授湖廣

巴東縣勸農興學勤脩吏治卒於官

陳公邃如康熙甲辰進士授海豐知縣數月即告歸益淡情於仕進者前明季李闖之變邃如挈家

避居柳子鎮築堡禦患里人德之入鄉賢祠

陳公斌如字野叔幼從父受學卽以事業自命順
治丁酉中副榜入監應試京闈仍中副榜銓授太
原平定州學正陞河南林縣知縣林在萬谷中素
爲盜藪公立法防禦秋冬必躬親簡闕民賴以寧
至於南征吳逆奉文養馬鄴城曲盡經畫水旱蝗
蝻迭災公報蠲本年租賦之半又蠲三年租賦之
三林民感激爭建生祠俸滿內陞由戶部主事轉
郎中擢山東按察使分巡青州海防道巡撫嘉其
廉明題陞廣東蒼梧道布政司叅議表率寮案釐
剔協宜洎解組時年已七十矣逍遙林下不謁公

再續華肅卷之七

仕宦賢長

三

門當道重之壽七十有七卒於家從祀鄉賢長子
憲姚貢生授福建古田縣知縣次恪順天府丞孫
啟芸中式順天甲辰舉人

馬公思才由拔貢歷官襄陽府知府政績最著入
鄉賢祠

魏公蓋臣字子脩幼聰敏嗜詩書中順治丁酉副
榜銓授雲南通海知縣以興學校勸農桑爲已任
創建書院凡有裨於地方民生者親身料理以清
廉內陞轉戶部福建清吏司郎中康熙辛巳以疾
卒於京邸子來賓考授州同善事繼母色養定省

無缺孫棟由廩貢捐訓導改職縣丞非公不入縣
堂衙署教子耕讀爲業曾孫纘緒郡庠生眞誠正
直乙巳膺鄉飲介賓今知州汪給扁曰品行端方
党公聲震字丕承勿岐嶷有器識其父希賢常撫
之曰以燕翼子在是矣康熙丙午中式丙辰登進
士後授直隸成安知縣多活人雪冤善政辛未行
取補工科給事中建白有澄官方禁保留開河道
諸疏丙子典試福建正考官隨轉禮科掌印給事
中磨勘天下試卷大宗伯韓稱其識量過人辛巳
以病乞休抵家日與親故論古談今壽八十有四

子翊洛由廩生中康熙壬午副榜博極羣書州牧
常以水利征派鹽務諸事諮訪之次選太學生恭
慎嚴肅次述入國學者授州同孝友任恤孫恒增
廣生鯤鯨俱歲貢一授莊浪訓導一授鄂縣訓導
至今郡人稱其子孫能世其家云

武公維寧字允安性敏嗜學品端文優事親無微不至
不周康熙壬戌進士授庶吉士乙丑改部曹以終
養乞歸色奉膝下居家七月父見背喪葬靡不盡
禮服闋補工部主事在朝紳士咸以爲公輔器迄
病時有以數千金令告假得缺者維寧曰貧固有

之死桐棺可也敢緣多金易素乎嚴操守如此
史公流芳字蘭馨康熙己酉舉人壬戌進士授廣
東臨高知縣民舊積欠額徵銀八萬有奇公先核
逃亡戶口每歲征只三千餘兩復履畝丈量分別
荒熟請豁者十之七爰是招集流民捐給牛種課
農興學闔邑感戴呈請祀名宦祠初公父母早亡
終身哀慕兄景芳客死肅州徒步三千里扶柩歸
撫兄女如已出爲之擇配凡從子弟之孤者悉爲
婚娶郡人呈請入鄉賢祠長子鮎封通政司叅議
處事惟公惟正持家有禮有法與季子候銓州同

攝華州卷之七

仕宦賢良

五

柱友愛無間立爲家政後嗣罔敢越孫振孟昌孟
康熙甲午同榜舉人昌孟登雍正癸卯進士知於
潛縣曾孫茂雍正甲辰聯捷進士歷官順天府丞
萼雍正乙卯舉人知石埭縣芝丁酉拔貢分發直
隸布政司理問藻辛卯舉人乙未進士現任廣東
博羅知縣元孫記勛乙酉拔貢其列成均膠庠者
十六人郡人咸爲公活臨高民陰德所致云

張公會慶字子餘居東溪代有文人望族也公天
性穎異十六入州學試輒冠軍順治丁未祖鑑眉
公卒於家父嶽蓮公聞訃卒於閩連遭大故哀毀

骨立奔閩扶櫬歸喪葬竭情盡禮服闋發憤磨礪
康熙甲子拔解辛未成進士選庶常散館檢討乃
志耽林泉引年歸籍抵家建祠宇以妥先靈創華
山書院以培人材在東門內大街之北今廢所著有性理輯要
毛詩外纂周易觀玩錄尚書春秋並十三經源流
子福鍾福鉅俱貢生皆溫厚和平稱其家聲云
楊公顥字孚公江村人賦性穎異超羣康熙戊午
解元甲戌進士選庶常散館編修授四川道御史
督學江西一時所取多名士南人以爲具藻鑑之
明入鄉賢祠

再續壽卷七

仕宦賢良

六

劉公肅字元敬亳州知州太室公之長子也由

康熙

甲子亞元授內閣中書性最孝事祖母李宜人承歡膝下

定省無缺弟莊早逝憐弟婦孀居卽以己子承祀
焉其教子姪則以敦倫立品爲先至於周急濟貧
排難息爭人共服焉壽七十九而卒所著有劉子
藏稿行世又有竹齋詩稿並竹齋集杜兩卷

張公雋字書升忠厚端方耽嗜詩書康熙戊午舉
人授直隸武強知縣弭盜勸農民知樂業縣內蝗
蝻生公齋戒哭禱於八蜡廟須臾大雨蝗不爲災
後染病旋里清風兩袖民懷去思入鄉賢祠

陳公恪字備三少邱公仲子也性耿介文宗韓柳
書法歐陽由貢生授中書舍人以練達勤敏陞戶
部主事遷郎中雍正十年擢河南懷慶府知府清
廉自矢却鹽商陋規救河內水災七城士民戴德
紫陵曾建生祠焉至乾隆元年以才堪大任特陞
通政司叅議旋陞順天府府丞提督學政典試肅
清文風丕振後得痰症解任旋里而卒所著文山
草及條陳諸疏人皆珍奉如珙璧焉

王公始禹康熙二十年由

恩貢歷任四川茂州知州敏達簡練一時稱爲能吏

再續華新卷之七

仕宦賢良

七

王公夢熊字兆渭由例貢授廣東懷集縣知縣政
洽人心亦良吏也人共稱之

史公振孟字詵伯號宜園西關里人穎悟性成猶
深自砥礪構肄業區顏之曰無逸與胞弟昌孟講
學其中教子姪並及門者相其資之所近曲成多
所特立康熙甲午兄弟同登賢書開笈顏曰吾不
喜兄弟之同登喜雙親之未老而及見也比當大
事哀感鄰居遇忌日輒泣下年至八旬不少易焉
乾隆壬戌授臨潼教諭教士子以孝弟爲先邑庠
有鄭姓兄弟爭產者諭以至情其人感悟交相推

讓公又篤於戚誼劉甘二姪流離窘迫加意曲成焉七世同居倍敦友愛行之以公體之以恕以至終身享壽九十有二封朝議大夫通政司叅議

史公昌孟字仲哲號裕菴其祖臨高公甚寵異之甲午與兄振孟同登賢書雍正癸卯成進士聞報泣下悲雙親之不逮養也丁未授浙江於潛知縣潛邑居萬山之中城郭半圯倉庫疎防公於撫恤之中酌力役之征始覺完固邑重蠶桑三四月間民至不相往來公減其從役下鄉勸諭潛人相謂曰體吾輩隱情至此此之謂吾父母後任淳化教

諭嚴而情親士皆化之陞慶陽府教授不就歸享壽八十一厥後公之少子藻以乾隆乙未進士復爲教諭淳化

王公文煥字絅脩幼聰穎性至孝隨父沔縣學署讀書文名噪甚屢試冠軍康熙庚子中副榜赴京考教習授江南五河知縣公長於治理遇事克敏署鄰縣天長調繁江寧俱有政績以丁內艱補廣西恭城報最陞歸順州知州以老歸卒子用錫由貢生任直隸順德府知府現任

武公善繼字奉若以雍正己酉拔貢授湖廣醴陵

知縣公之未仕也仁心爲質言行端方竭力奉親孝行表著又精於醫術遇有病者不論貧富施藥調治鄉里稱其仁慈及宰醴陵以仁心行仁政民咸感戴卒於官櫬歸流涕拜送者遍路

史公茂字君躋號松濤髫年敦敏出語驚人隨父讀書時雒南孝廉王先生閱課文詫曰頭角崢嶸骨格稜稜佇見扶搖九萬里矣年十七學使者賞其文拔置首選雍正甲辰聯捷進士授山西河曲知縣抵任革陋規減牛犂之金免天橋之魚民頌德焉甲寅用兵西陲自京運馬四萬五千每運三

千匹從縣沙泉驛經過其地缺水公齋戒禱於龍神是夜星月皎潔至夜半忽報大水至公卽督夫築堤水足用焉返事竣而水亦竭詳上憲建神廟作記以記其事至今彼人尙傳誦之縣與陝之府谷接壤黃甫川有隙地兩縣民爭之甚至各持戈矛公往曉諭諄諄剖斷其界其爭遂息乾隆丙辰行取授戶部主事福建司主事選陞員外郎中丙子晉京畿道監察御史屢上疏有嚴禁京積短票禁絕上司餽送苛派禁服飾華靡嚴肅朝議預備蝗蝻分厥煮粥諸疏庚辰特授太常寺少卿辛巳

改授通政使司叅議壬午鄉試後磨勘直省試卷
有科場積弊疏劾未陞授順天府府丞公生平直
方自處耿介爲性宦遊四十餘年不以通塞易節
不以豐約改操不以顯晦移守享壽七十有二卒
党蘭字馨之幼以孝友稱蚤孤每逢佳節忌辰輒
號泣終日兄弟三人公爲南陽博望縣丞有惠政
民德之及歸宦裝不入私室焚香告祖宗曰非欺
君非剝民天地祖宗實監之其廉介如此與同胞
樂林下至老友恭不衰

李奕煥由吏員任湖南武岡州蓼溪司巡檢蓼多

盜賊煥禁制有道匪類屏跡民安堵焉時值王師
征雲南大帥徵糧湖省煥運先至諮以軍務言之
中欵特賜大旗一杆令其出入鈴閣以備商確軍
機後解組督子孫讀書子光斗膺歲薦孫潤中亞
元任石首知縣洞濬暨曾孫夢蛟俱食餼

王祐由內閣供事授直隸定興縣典史到任正值
派夫脩路時歲歉民力不支祐連叩制府蒙准免
百姓感戴焉後告病旋里壽八十有六卒

張宏毅字伯仁生而孝友勤於誦讀於雍正癸卯
領鄉薦考內廷教習期滿任蘭州學正維風化端

士品考課無虛日蘭士感德曾製衣帽躋堂稱號
焉旋調狄道州學正後陞慶陽府教授致仕壽七
十六卒

李公潤字又白性情豪爽體貌魁梧讀書有見地
雍正癸卯中鄉試亞元授湖北石首知縣到任甫
八月漢水大溢居民遭溺躬親查驗卽欲發倉帑
賑濟幕友以未經稟報與例不合阻之以此致仕

歸

王公曰仁字元善性伉爽屢試冠軍雍正元年舉
人任四川重慶府大足知縣大足四川之復設邑

再續華州志卷七

仕宦賢良

七

也一切俱屬草創到任正值倉厥衙署各工程皆
須興建公拮据措辦又創修書院親訓士子文風
丕興歲旱禱雨有應邑民立坊曰王公甘雨後致
仕歸

王公緝祖字敬天號步雲少嗜學日夜不倦爲文
力追秦漢及門率多名流雍正壬子舉人乾隆丙
辰進士卽用江西信豐知縣信邑强悍健訟凡有
控告輒以賂聞公盟曰讀聖賢書守朝廷官不爲
一方興利除害而在愛民錢天地不容吾不爲也
其聽訟明決賦役有法民咸畏信而便安之後致

仕歸子巖秦州訓導孫世承戊子舉人丁未成進士

劉公長善字萬始始爲增廣生員性醇謹儉樸於侈靡游嬰之事一無所好以父孝廉公精岐黃術故亦以醫著名活人無算雍正八年降

特旨京官自主事以上外官自知縣以上各保所知一人不拘本宗外戚惟時長善舅氏戶部主事陳恪以長善薦遂蒙引見稱

旨下吏部分發福建以知縣試用赴福建委署見諸獄囚皆蓄厚髮長善以頭爲諸陽之首而頂心猶

再續華州志卷之七

仕宦賢良

七

甚閩省苦熱倍於他省因以剃去獄囚頂心厚髮爲請於上憲上憲允其請且具摺奏

閩蒙准頒示各省承爲定例乾隆戊午臺灣北番構亂委赴臺協辦營務因運米往冒犯颶風船幾覆正惶急時目睹神女着朱衣披髮而來手持朱絲引舟而行遂得風止糧儲藉以有給而軍威大振凱還內地以軍功記名候陞長善以父孝廉公年躋上壽自己酉至庚申已宦游十二年爰告歸終養得奉父兩閱月而父歿悲哀特甚事母陳孺人益盡孝養及終而送死之禮兩無憾焉初長善以

舅氏之薦得官至是人皆稱其不誣子怡貢生亦工醫術蓋自孝廉公以迄怡皆以醫世其家云

李公灼字春芳少失怙母詹氏孀居有從叔父生員作棟秉持家政灼內侍母克盡子道外侍叔父如父鄰里咸稱其孝由州學生中式丙子舉人丁丑聯捷進士選授桐柏知縣抵任卽以學校農桑爲首務聽訟雪冤桐人頌其廉明時金川用兵經過其地經營軍需不使累擾百姓適隨州有董世廣家被刦大案灼因稽查戶口獲盜六人上憲奏請引見晉秩同知未及抵任卽授貴州思南知府旋調大定前任有失落鉛項親加追搜使宿逋完結其不足者竭力代償以母年屆八旬遵例請終養奉親回籍母喪服闋赴部銓補福建福寧知府凡關生民教養者寔力奉行府城有近聖書院清查租息考選士子延師篤課上憲褒嘉委署延平兼護延建邵道歷任一載患疾告歸故里居數載而卒

杜公肯堂字子實舉人克振之子也天性孝友蜚聲膠庠又工書法居家口授生徒多所發明雍正甲辰舉人壬戌以明通授西寧教諭丁外艱服闋

請選授山西興縣知縣興爲邊邑民有訟則逃鄂
爾多斯公嚴行保甲法躬稽查使不得混籍又加
之撫字以勞勤卒於官

党公聲樸字藥舍給事公胞弟也讀書惜寸陰用
功求寔得與兄白崖公在東溪社風雨不輟業者
數年康熙己酉與兄相繼登科人傳爲東溪盛事
任葭州學正以培植士風振興文教自任後陞山
丹教授

薛公燮字調羹少具聰穎之質十六入泮卽食餼
以時數厄膺歲薦後中式康熙乙酉舉人文名丕

再續華州志

仕宦賢良

十四

播主盟文壇者四十餘年

孫公世庸字功伯幼受業於叔父息息奇之曰此
吾家千里駒也息於康熙壬午登科銓授涇州學
正世庸亦於雍正癸卯拔貢授湖南衡山知縣蒞
任徵收地丁漕糧俱從公平民咸感之嚴稽匪類
一方安靖

高公首生字長公生而骨格疎秀頤身鶴立美鬚
髯善談論以歲貢授保安訓導保係鄙邑公循循
善誘多士振振日起公家自祖以上世秉教鐸其
庭向有顏曰三世廣文迄公又膺

封典贈及其父遂謂五世廣文云

郭公芑字豐有以廩貢銓成縣訓導蒞任肅學規飭士子品必端方文期雅正乾隆七年告歸膺鄉飲大賓享壽九十有四子植以吏銓授鹿邑縣尉不卑小官務存大體老而告歸

王公令新字君錫世居馬村爲東溪望族品端學優教授生徒以寔踐相期不尙華辭後膺歲薦授麟遊訓導肅學規端士習不數年而士風醇文體正告老旋里年八十有六卒

劉公紱字公來太寧里人廩生聲之子也事親孝

再續華新卷七

仕宦賢良

七

雖饗殮不給而甘旨不敢缺父歿事九旬祖父更竭力奉養叔嬖孀居亦孝養兼備於雍正己酉中式經元乾隆丁巳成進士授慶陽府教授抵任後立會課文士風丕變因病告歸居林下兩袖清風淡如也所著有河圖洛書解四卷子其澹其灑俱有聲於黌宮

李公廷獻字心臣生而聰敏典籍一覽輒能會悟構藝奇侷英爽毫不猶人雍正乙卯領鄉薦時大主考獲其文亟登之謂其得山川磅礴伏鬱之氣也後歷任山丹吳堡縣教諭又陞慶陽府教授

姬公永澤字霖川忠烈公五世孫也幼而聰敏嗜學博聞廣識入泮後屢試冠軍雍正十三年拔貢選授浙江嘉善縣丞後署浦江縣事值浦民大疫捐俸備藥濟人百姓咸歌慈母後又以採辦銅筋出差雲南以勞勩卒於官

史公廷輔字民望西關里人年三十九入泮卽以是年舉於鄉艱於遊泮易於登科郡人皆稱之不樂仕進賜國子監學錄壽八十有八而卒

曾公一貫字以之乾隆癸酉拔貢借補乾州訓導大計卓異授華亭教諭一貫之祖魯歲貢父大定

晉華州卷之七

仕宦賢良

六

恩貢一貫拔貢郡人謂曾氏三世貢焉

張公健字羲伯號連三性穎異善會悟雖出世族毫無富貴家氣象與鄉人處油油如也雍正乙卯領鄉薦任咸寧教諭咸寧人稱其培植文風作養士氣焉

郭公安唐村人居家孝友昆弟間無間言恬靜緘密不嗜浮華弱冠入庠屢列前茅乾隆丙子領鄉薦不樂仕進教授生徒以實行爲先壽七十三而

卒

張公燮字子調幼而喪母其事父則孺慕倍切入

庠後授徒三十年由廩生膺貢肄業國子監報滿授懷遠縣訓導課士子克稱其職俸滿回籍壽七十而卒

張公珂字鳴玉幼以孝稱雍正丙午領鄉薦丁未成進士知福建漳德府平和知縣有政聲告終養回籍設教一方從遊自遠來者甚衆又能排難解紛僉壬皆化人稱爲有王彥方之風

党公滿字盈之賦性剛直不附勢利任山西新城驛丞廡有一駿駒適祭酒王巡察山西見而欲之公弗顧吏請送之公曰吾豈以物買官耶卒弗與

再續華州志卷之七

仕宦賢良

七

其耿直類如此後竟被黜淡然毫無介意

勝州賀登雲

曠如山人史 蓴續次 麻陽田培因

江寧樸存汪以誠編閱 成紀曹鄒蒞

會稽蔣三達

人物中

忠烈

孝行

義行

忠烈

趙公文明字伯闇郡庠生賦性耿介不靡於俗宗族鄉黨稱爲端人毅士

國初有土寇爲亂執之強欲其從文明大怒東向

再續華州志卷之八

忠烈

一

拜曰人生天地間忠孝爲本寧殺身以成仁豈肯捐義以從賊乎遂極口罵詈刎頸而死

崔公文傑西關人由行伍授四川太寧協富和營

把總出兵金川有功陞本營千總旋陞守備後陞

威川右營都司轉陞富和營遊擊乾隆四十年取

移息樑征賊帶鎗陣亡年五十歲加恩恤其家廕

子洪元襲守備現在富和營供職

武公丕爵字大勳乾隆丁卯武舉任甘肅紅巖堡

守備屯田塞外勤於供職補清永營都司出征金

川領兵六百守大板與賊留連五戰皆勝賊後猖

厥率精兵數千復侵大板丕爵率兵禦之方戰三日士卒半死丕爵奮然曰食君之祿自當死君之事遂身先士卒力戰終日以衆寡不敵身被數創猶力斬十餘人及斃手仍執刃不墜也其從卒携丕爵帽出報追贈其級

詔工部製造木牌送入忠烈祠給祭葬銀四百一十兩賸子天秩襲干總

孝行

杜議善事父母承顏順志壽至八十有四厥後子孫振振衣冠濟美人皆謂孝德所致云

再續蕭臺之

孝行

二

陳公九疇善事繼母與繼母所生弟九錫相友愛盡以美田讓之其族叔係膠州巡檢卒於官九疇爲致櫬而歸祭葬盡禮撫其子女男婚女醮俾成立焉入鄉賢祠

杜公進生員議之孫也事繼母四十餘年孝無少懈妹寡養之終身俾無異志且爲之撫孤成立焉又有族孫如松幼而喪父孤子無依撫之至於入學且俾其請旌母節享年九十有六舉鄉飲介賓入鄉賢祠子廷楷好學篤實待物正直有王彥方之風青衿中奉爲典型督學逢公表其廬曰潛德

可風舉鄉飲介賓享壽八十有四孫錦家世書香
能嗣其業後膺歲貢壽八十有五曾孫克振字聲
伯年十三卽遊庠序博學強識行端品正課學徒
循循善誘其門人有光風霽月之頌康熙庚子領
鄉薦不樂仕進乾隆丁卯鄉飲正賓壽八十有二
郡人謂杜鄉賢後裔率多壽考云

薛公志西關人五歲喪父家貧值康熙三十年大
飢艱苦萬狀其母立志守節期子立志成人因以
志命名焉志幼伐薪墜樹病背遂成痾瘦力難備
養然雖粗糲必含泣進母遇事曲體母志不愧色
養迫母歿號泣幾至滅性及二十年後聞人言孤
子養母者輒流涕不止今其子廷榮列明經人以
爲孝行之報

羅蕭臺卷之八

孝行

三

劉公懷義大張里監生母早逝父患筋骨疼諸藥
罔效義嘗抱持以煖父骨恒至終夜更能曲體父
心出有餘以周貧乏父歿守塋三年

羅公金壯遭繼母有疾家貧割左臂以愈母病知
州趙公以愚孝可嘉榜其廬以獎之
雍公世彥善事親歿廬墓運土三年不懈知州

州判俱榜其門

秦公繼世性篤孝友其父臨終時口不能言牽繼世手指枕下兄妹知有藏金爭取之繼世悽愴鵠立後有尤之者繼世曰父子永訣方寸割矣奚暇計金乎至今鄰里稱之

王公與孩提時卽孝事父母奉養不缺親歿依柩三年不入內室及葬年已七十築室墓側每日以土壅塚後病以塚土未竣恨不絕聲

周公傳世大學生孝事父母每事必親自經理雖溺器不以僕代父母歿後年近八旬朝夕於主前拜禮與生前定省無異

武公兆麟州學生員事繼母党氏承順父志常得歡心父病痰症四肢不能展動食飲需人兆麟代爲進食終無倦心父母相繼歿哀毀骨立幾不能生

胡公惟泰舉人鳴謙之子也生母早逝年方十二遭繼母挫折無所不至終無怨詞生事葬祭與生母無異壽八十有九

吳公光先事親以孝稱父母歿後年逾五旬夢中悲號嘗有呼爹媽聲家人聞之多不安枕

楊公攀智字哲卿孝由性成其母孀居承歡膝下

承顏順志里人咸稱爲孝順

義行

王公不顯生員漳南道鴻誥之孫也生而手缺一指不自暴棄臨摹鍾王書法甚工康熙辛未歲飢施散麥穀里社賴以存活者無算州牧黃以槐堂事業四字榜其門

秦公紹丕增廣生教授生徒以立品爲先成就人材甚衆至鄉里有婚葬不能舉者卽量其力以助之事過毫無德色子婦劉有弟名玉二歲失怙丕令其就己家教養婚娶俾克成立今劉玉得奉禮

祀者皆丕之德也

郭公艾字八生爲人公直鄉里有忿爭者剖其是非人咸服焉詞訟以息然終身未入官衙好善樂施里有茶湯之房以飲行人艾每修葺之雖盛夏嚴冬不辭勞瘁至今人猶指爲郭家湯房云家本世宦有家僕投身之券百餘紙一日謂其子曰他日男婚女配何必使被此名也悉焚之享壽八十六而卒厥後子棟壬午列明經孫庠彥辛卯登賢書汝清列膠庠曾孫如林亦入庠序人咸以爲積

善所致焉

張公法震字長公羅汝里人例貢生武強公雋之子也尙義好施東鄉修葺廟宇多舉爲功德主又因沙河潰決施地十餘畝俾衆築堤以防水患廣潤六坊七里咸戴贈榜題其廬焉郡守舉鄉飲正賓長子健次子仁俱領鄉薦以健任咸寧教諭贈修職郎如其官

雍公世貴於康熙年間兩遇荒歉鄉里之曰不舉火者竭力資助毫無德色凡遇修理廟宇橋梁慷慨不吝人稱爲義氣長者

武公勳字功臣幼失怙恃事伯父食必侍側又能

蕭蕭墓之

義行

六

周貧有告急者酌給粟米償否聽之知州以鄉飲
○ 卒固辭享壽八十二而卒

周公文彬少華里人任山東章邱縣典史時貧民無力完糧者出銀代納如是者五年民感戴之後陞江西表湖司巡檢歸籍康熙三十年飢在本鎮散糧五十石享壽八十有五而卒

張公天尋候坊里人仗義疎財康熙五十一年歲荒代納里中貧民施欠錢糧百兩有餘里人贈榜曰里中人杰其子珙亦復好善樂施康熙六十年族入乏食者計口散糧三十餘石州中修書院泮

池捐數十金以助郡守席復以義重庠序題其堂
楹膺鄉飲介賓其孫監生舉留庠生振邦質直好
義亦頗有乃祖乃父風

魏公壯候坊里人輕財重義雍正十三年間黎明
拾銀百兩至次日其人來覓詢明悉與之乾隆十
三年飢族人乏食者散粟數十石壽八十而終

趙公紳字縉卿居州治東坡其爲人也息訟平爭
好善樂施乾隆十一年捐助社倉州牧題匾曰功
垂里社於重修 文廟城隍廟不特捐金而且首

肩重任壽七十五而卒以季子任平涼府訓導贈

修職佐郎如其官仲子寧邦太學生倜儻精敏善
理劇務凡州中公舉肩任不辭重修玉皇神樓更
爲廓竣其孫廷選廷舉同年入庠亦好善之報也
李公文昇潤達慷慨與人同賈蘭州同財者一人
以銀五百兩携歸其家詐言肆中被劫因涉訟累
及肆主官欲加以刑詢文昇不忍舍已不取外并
爲代償同財者其事乃息歿後親友醵金製文以
表焉又有李文星者性朴厚事母孝亦能周人困
乏鄉人羣稱曰李善人

劉公振升孟村人其父耕讀傳家以躬厚薄責爲

教振升息人爭訟周人貧乏康熙六十年大飢散糧數十石賑濟鄉里後歲豐受賑者還粟升曰吾前舉非圖報也不受歿後里人懷思額其門曰德法孝思

張公鑾貢士賦性慷慨積而能散乾隆十六年飢出粟數百石賑濟平定岳前里又以數百金入官捐助合州布政司聞其事義之始稱曰樂施濟衆

馬公曰馭樂善好施捐助社倉粟糧五十石邵守李高其義給匾曰功垂里社

再續華清志卷之八

義行

八

楊公肇基敬恭神明好善樂施州治南門外重修關帝廟捐貲不吝州西十里舖修橋捐銀五十兩又獨修西溪道路以便行人

吳公必善和睦鄰里勤於稼穡遇荒年族黨有不足者輒慷慨與之凡負債有無力償還者悉焚其券焉其孫太學生肇姬於乾隆庚寅年散麥數十石賑飢郡守潘給匾嘉之曰義高指困

毛公居泰生員住居平原性本剛方居家待物皆溫恭克讓驕吝不形凡修橋建廟以及困苦貧乏隨在樂施人皆稱頌焉

武公宗鳳字鳴山其家耕讀相傳世敦任恤鳳復朴實慷慨好善樂施子良相貢士孫萬選乾隆丁酉舉人其世澤延綿正未可量也

張公可信字子實爲人孝友繼母年少於信信孝倍篤焉復能周急濟貧里人戴德贈匾曰楚波潤同州中修泮池書院廟宇橋梁以及灞橋暨同州豐登書院罔不竭力捐助郡守曾賜楹額三其子鐸能體父志亦時周貧乏焉

獨公芬爲人贛直兼有才幹與兄芳弟薰業賈同心兄歿後待兄子以仁恕且能擴充家業富而不

吝嘗施棺木以濟人急周貧乏以救人厄子維楨捐職州同姪鎮遠捐職千總衣冠蓋繩繩焉

武公全生而岸異長精醫術活人無算未嘗計利且好善樂施年七十四甫生一子猶見成立人咸謂天報善不爽云

胡公元穎好善輕財乾隆三十五年遇仙橋被水冲塌先獨修木橋以便人行及修橋時又捐銀五十兩郡守給額曰功垂津梁次年歲荒散麥穀四十餘石以周鄰里

張公麟字鳳友爲人倜儻方正鄉里以德門稱持

身力守家規一毫不苟生平行事俱關倫紀風化讀書雖未卒業而不愧卓卓人傑

張公乾世爲人友愛憐弟坤早逝遺腹子元善在抱撫育周至及元善成立入庠始開笑口至鄰人有口角相爭者力爲解勸必彼此相和而後已鄉里皆稱爲善士

馬公續祖賦性醇良制行謹恪好禮樂善於貧乏者每多周恤之誼

李公鳴鳳大張里人監生尙義輕財乾隆十年歲荒於三月間散麥五十石於張楊周李四村賑濟

異蹟叢書卷之六

義行

十

貧民有指困風人多賴之

康公爾貴世以孝友相傳治家極其公恕男婦四十餘口內外和睦永無間言迄今五世同居族人義之贈題堂楹曰媿美公藝郡守王給額曰世敦雍睦

張乃嗣生員集賢里秦家莊人自高祖兄弟名斗名寒而後伯叔堂從數十口現今五世同居

孫超孟村人孝事父母更能成就人才與城內生員張地之祖相契地家貧將廢讀超令地至己家攻讀飲食膏火無缺二年地遂入學酬之以匾曰

海樣恩波壽八十而卒

王福棟字隆庭王裡渡人賦性孝友正直少時家貧業南通州家道漸豐未嘗吝財在外救災扶厄居家凡鄰里親族有日不再炊婚葬不能舉者輒周恤之遇州中修造賑濟公事慷慨爭先州牧屢給匾以嘉之捐職千總享壽八旬有餘而卒

李興儒醇謹孝友樂善好施亦義士也乾隆三十六年歲飢施米五十石以賑貧民又封銀三十兩交官以助養濟院孤貧郡守潘旌其門曰慷慨賑

再續善臺之

義行

士

胡芸遇仙里人賦性仁厚樂於爲善雍正十三年遇仙橋崩不特捐貲而且身親其勞至乾隆四十年重修橋梁亦仍如初至於雍正十三年乾隆十三年以及三十六年歲荒每次皆出粟數十石以賑貧民鄰里德之

秦法雍性醇厚好施予族兄朝士其妻早逝遺子守德無依法雍撫養不啻己出及壯爲之娶妻生子一室同爨竟世人有不知其爲族姪者其人誠可風也

劉之崖字山若樂於爲善豁達人也乾隆十三年

歲飢賑給貧乏闔村表其門曰義篤里閭
李仁義監生生員秉鈞之父也爲人醇篤不嗜浮
華少時業賈潼關拾銀百兩自訴於官訪其人而
與之同知給以匾曰拾金不昧子五人三子成名
孫七人文武並列曾孫亦入膠庠一堂四世壽八
十八人咸謂天之報不爽也

顏貴超少華里人乾隆二十二年過兵超爲兵御
兵官遺車內銀百二十兩卽赴本州交官巡撫陳
具文申部部覆文內有云急公好義四字兼有其
物雖微其行可嘉云云

再續華州志卷之八

義行

七

雷宏棟順事繼母里人稱其孝散糧濟飢鄉黨嘉
其義年八十八現存

楊建烈彭村人與兄建極建文建武弟建謨孝友
樂施乾隆辛卯春殞霜村不舉火者七十餘家每
家給麥二斗錢五百丁酉秋被水又家給麥至六
七斗不等九十餘家悉賴子種焉里人德之

再續華州志卷之九

勝州賀登雲

曠如山人史 萼續次

麻陽田培因

全校

江寧樸存汪以誠編閱

成紀曹鄒蒞

會稽蔣三達

人物下 鄉飲處士

鄉飲

劉公奉時字美中少而聰慧淹貫博通入庠食餼
中康熙丁酉舉人奉部截取知縣以股疾不就職
優游林下文籍自娛為人溫厚和平不以聲色加

再續華州志卷之九

鄉飲

一

人克敦孝友嫻睦之行又精醫術有盧扁聲名鄉
人稱之曰里中無痼疾佛指能回春州牧聞其賢
舉鄉飲正賓壽八十三而終

屈公雲錦臨溪人郡庠生負性剛直端方邪聲不
入耳惡色不接目重稼穡親田畝於詩書講索未
嘗鹵莽一鄉稱曰善士以恩貢舉鄉飲正賓兩次
州牧席公贈額旌其門曰可表一方壽八十卒

傅公濟邦字惠伯性純篤事親承歡膝下年逾六
旬親偶不悅赤足袒臂手持一杆唱且舞欲親

笑學老萊子斑衣之戲處鄉里和平忍讓排難息

事聞者推服舉鄉飲正賓

胡公鳴謙字有聲簡靜端方優學工書教授生徒學者宗之雍正壬子舉於鄉州牧聞其德舉鄉飲正賓適當部銓之年未及謁選而卒

孫公治世字天平生而端方一切市利壟斷之習深以爲鄙足迹從不入酒肆樂善好施有遠族婦李氏貧寡無依周其家不使缺乏者十餘年又有族姪名閏月者少孤失所撫育之若已子里人咸稱其德郡守王舉鄉飲正賓且以德光盛典之額而贈之

再續蕭蕭索之九

鄉飲

一

郭公棟岷縣知縣忱之孫也孝友性成家貧嗜學入庠後啟廸後學名士多出其門善書工隸楷足迹不入官衙以恩貢膺鄉飲正賓郡守張旌善題曰居家孝友人品端方子庠彥乾隆辛卯舉人克續乃父之風鄉人賢之

周公化龍生而廉介孝事二親友愛兄弟食必同案衣必同筓爾我不形於口訓子姪俱以義方里中有熒獨無告者卽周恤之輕財重義名播鄉曲州牧王聞其賢舉鄉飲正賓給額曰作賓王家

陳公健字乾菴生而醇謹篤倫紀於紛華勢利淡

然無所嗜好弱冠入庠食餼後成歲貢事繼母與
生母杜孺人無異生平以禮自守有叔度風州牧
楊舉鄉飲正賓環橋觀者咸以爲得人嗣是而膺
斯典者則有貢生郭成麟歲貢劉義向薛紹業恩
貢東紹孔薛廷榮其人焉

王公恂字子厚增廣生員膺鄉飲介賓鄉人約其
行事贊曰怙恃早失終身切風樹之悲形影單隻
冲幼奮顯揚之慕芹藻生香前茅著美乃謙謙君
子也

傅公建績郡庠生素以孝友聞父歿後每食必薦

再續蕭州卷之九

鄉飲

三

事兄隅坐隨行待弟如手足其關切真有分艾之
痛至處鄉里於歲終出有餘以濟困乏舉鄉飲介
賓壽八十三而卒

史公恪字子恭庠生爲人正直謙讓與鄉里交接
雖耄年恂恂如也且精醫術應手病痊郡守董贈
額曰儒理通經

吳公舉膺鄉飲介賓復以陶物型俗之額旌之益
嘉其品也

秦公繼丕字武公郡庠生天性誠篤賦質剛毅其
父以家貧欲其專力於農丕曰耕且讀世業也農

不可輕學豈可廢教古人三餘法刻苦讀書入泮後教授生徒先品行而後文藝及門率多端人正士州牧席嘉其行誼舉爲鄉飲介賓

秦公緝丕字熙若生而純謹篤孝友勤誦讀蚤歲入庠食餼教授生徒必引証使之通曉而後已嘗誨子弟云世之與人相犯者由明責人而暗責己果本忠恕而行人自無爭己心何等安閒鄉飲舉介賓贈奉直大夫子浩生癸酉舉人清王申舉人丙戌進士工科給事中現任

張公元善郡庠生敦倫飭節爲東里人舉事母承

嘉善縣志卷之九

鄉飲

四

顏順志榆容婉色居然純孝五世同居人咸稱有浦江鄭氏風教授生徒不問貧富里人每稱爲德行生員舉鄉飲介賓繼此而列斯典者則有陳九疇黃位體楊茂林王公福生武公德炎王大成蘇公成淹吳公之仁徐公文經劉公崇曷王公昧旦諸人焉

鄉飲耆賓

武宗鳳磨渠人貢生張可信西田村人監生郭

自秀石村人獨三里村人芬干總維楨之父武全子七十無

壽八十一吳朝梁壽八十楊際春少華王宜治王

堡人王朝維郭村人馬續祖城內人徐克昌小張村人

張世奇臨渭里人劉廷羽石村里人古擴基太平峪口人劉

副光修里人胡元穎遇仙里人張麟庄頭人生員文元張

乾世通渭里人楊攀智臨渭里人馬天桂古城堡人王化麒缺李堡人

井養禮井家人劉澄邦宋村人史垂訓西關里人

處士

党公應福字德莽郡庠生清慎端嚴好讀古人書

於院落中築一土樓四面設牖山水環抱左右朝

夕吟哦其中州牧屢造廬訪焉嘆為空谷中人

武公桓字克定順治間貢生孝行無間文品俱優

襄籍蕭卷五 處士 五

芳名著於關內提督學田擢為優貢以持風教學

者尊為南浦先生以明經授訓導子維寧貴贈承

德郎

党公希賢郡庠生品卓犖名節讀書觴咏不計

生產四壁蕭然恬如也時建汾陽王招魂塚地畝

丈尺頒有定式爾時平去民墓甚多希賢祖墓居

其三族人無敢言者希賢曰是吾責也具呈伸辨

又上控於巡撫獲丈還地畝卒保祖墓督學重其

品贈額曰虞庠上壽時年已老矣以長子聲震貴

贈文林郎禮科學印給事中

張公世錫字白石故縣里人修前志西華光孝之孫也博聞廣見精詩工篆承先世叅政潛之業惟恐或墜與修陝西通志郡人奉爲模楷

陳公欽如字敬止增廣生鄉賢九疇次子也性開敏才優豫言動不苟同弟青州觀察居凡尺布一錢皆可按籍而稽其廉介堪以風世云

張公應斗郡庠生武舉沿河千總張錢之父也平恕直正剛毅明決以義方訓其後嗣四世並列膠庠州牧謝重其品舉鄉飲介賓壽九十有三

武公範字子九郡庠生世居時村堡翰林庶吉士

再續蕭縣之九 處士

六

安允公之次子也父任京邸兄隨之範淡泊自處勤誦讀不與流俗伍父卒於官訃聞卽毅然典質營資負囊拮据抵京撫柩悲號同鄉感其孝極力資濟甫得扶櫬歸里及葬勉力支持以竣大事宗族鄉黨極稱孝友焉

武公遜字子競康熙辛卯舉人性醇謹不樂仕進友教一方筆削課藝結社會文者雲集文人嘗美之曰鮮桃珍李悉出公門矣享壽七十有二

王公烜字子著羅紋里人貌魁梧美鬚髯性誠篤立身治行爲一方仰止父早逝事母溫清定省極

情盡禮教子以義待下以仁壯者慰以農少者勉以孝人恒悅而化之多士號曰淵穆韓公壽八十卒

杜公廷琰東溪人識見通朗學問該洽學者多尊禮之後膺歲薦隱處以卒其弟廷璋郡庠生處已克慎待人克寬與兄同稱東溪正士

雷公霆震增廣生員以義命自安孝友事父兄義方訓子姪於親友間排紛解難與人無競頤養天年壽至七旬而歿

李公光斗字耀樞號華天幼聰達讀書如有宿會

嘉善縣志卷之九

人物下處士

七

居家孝友天植其性落落不與俗伍二十遊泮卽食餼聚徒講學門下多知名士乾隆丁卯歲貢所著有探驪文稿藏家

杜公三元字鼎一辛酉拔貢丙子中副榜性英爽倜儻不羈家雖困而學弗衰教授生徒列門下者多登科第云

秦公懷錫字念嚴明仁恕蚤失怙恃業精岐黃里人有疾施方調治未嘗言利訓子弟以方正爲步趨子述丕性孝友凜父訓勤儉治家推逸任勞俾子姪肆力於學以就功名嗣父仁術精研醫理

濟世活人焉

武公敬業字誠基歲貢精醫學遠近延醫風雨不避嘗曰病者望醫猶執熱思濯也時華陰有病傷寒危篤者來請病者聞二鬼作聲曰某醫將來吾當行及至服藥一劑諸病悉除由是人共稱爲傷寒神

蘭公丕振字玉成唐村里人生員嗜詩書敦孝友有義兄爲父所鍾愛振體父心同爨六十餘年毫無間言義兄之子若孫爲延師命學俱入膠庠因父多病兼精醫術活人無算恒自出藥物以濟人

再續蕭肅志卷之

人物下處士

八

劉公斗字衡伯石村里人生員賦性剛毅豁達設家塾遊其門者甚衆生平以禮自責卽以禮律人宗族鄰里皆不敢曠業詢其故僉曰懼衡伯耳於此可以知其人之嚴正矣

劉宏涵郡庠生性醇篤事親孝臨財廉與人交久而益善每至學宮學師目送之曰此端人也然夢魂却與仙靈通會習扶鸞爲人間信音吉凶決功名遲速及年逾六旬有七呂祖乩書屏章贈曰當時則榮歿則已焉曠觀人世大抵類然吾徒劉子迥異於是不榮當世定榮歿世歿世之榮跨鶴仙

遊之榮也閱數口而果病臨終前日祝禱祖師問疾乩書云復成山無主賴爾司一方次辰果卒山下居民咸聞此語闔社公議輸貲立廟於山上卜辰辰鳴鑼揚旌迎繪像於廟宇擬像適肖卽請祖師乩寫云山不在高有仙則靈復成如之生爲正人歿爲正神劉生如之塑爾形於山上俾義士聞而慕曰這是當年一秀才公未歿前數十年山中早晚虎豹行遊傍山居民鮮不驚咤公歿後未半載猛獸頓絕居民安堵渭川南北每歲春月朝山進香至今猶昔爾時州牧趙公攀麟聞之捐俸建坊表其間曰土地巷且論其後裔云爾紹爾祖惟耕惟讀忠信是主神明可通命書吏復其徭役以優異之

古蔡雍正間以形家言遊澤州并善行草書酒後醉墨淋漓流傳甚夥蠡縣李剛注恕谷後集稱其

紹李二曲先生之學云

見鳳台縣志

勝州賀登雲

曠如山人史 募續次 麻陽田培因

江寧樸存汪以誠編閱 成紀曹鄒蒞 全校

會稽蔣三達

列女

華地居二周之間沐浴聖化故賢孝節烈在閭閻士庶之家可以繼跡前志者時不乏人今卽百餘年間之卓卓可表叙而錄之用彰闡教焉劉氏雍純高妻也于歸四年夫外出數十年無音

再續華州志之十 列女

一

信遺子二歲翁姑衰老家甚貧劉以績紡仰事俯畜喪葬盡禮鄉里稱賢孝焉壽八十有三馮氏咸寧教諭張健妻孝事翁姑和處妯娌寬待奴婢夫弟生隱瘡幾不能生馮脫粧易參藥服之而痊尤爲婦人所難能者

劉氏魏仲高妻生員恩溥之母也劉父許字仲高及父歿兄以仲高貧另字他姓劉力爭之不得尋死又不得聞後聘婚期將至乃暗求鄰嫗導至仲高家劉翁欲明於官泣曰此分內事耳報官是揚兄惡寧死不忍咽絳織紉孝事翁姑俱子讀書遂

入庠督學州牧司鐸俱給匾額

王氏生員劉漢魁妻年二十而夫亡無子取母家姪書田育之辛苦供子讀書入庠食餼壽八十而卒又有劉天繡之妻張氏亦取母家姪爲嗣苦節四十年已旌表之並祖姑張氏姑吳氏蓋世貞節焉

李氏曹趣妻趣生而天閹初婚父母翁姑皆欲令其改適李雖農家頗曉大義誓不更嫁迄於中年姑病盲家益窘其翁憎趣痴愚屢絕飲食李委曲周旋得以無恙且不失夫婦之禮卒以女體終其身焉里黨皆賢之

再編蕭卷之二 列女

二

車氏王柄伯妻銅仁府知府惟一母也事翁姑克盡婦道年二十九而夫亡家貧子幼有勸其改志者氏卽折簪自誓苦節五十餘年後以子貴贈宜人壽八十八節孝祠又有生員薛楓妻王氏生員郭志祥繼室李氏彌昌母賈氏劉鴻績妻杜氏杜文生妻姚氏王作模妻陳氏陳誌妻車氏傅信義妻劉氏高崇妻陳氏陳元妻劉氏魏效攀妻簡氏魏鎡妻郭氏郭衛國妻宋氏姬詩妻曹氏史懷義妻何氏趙璧妻張氏皆孝慈貞操皓首完璧與車

氏無異者俱已旌表入祠享祀

馬氏候選主簿張溥妻年十八夫亡食糠撫養遺腹子守節四十七年督學稽以苦節幽貞四字旌之又有張坤妻申氏年十九夫故辛勤撫遺腹子元善入庠更有李海基妻李氏與申氏同而剪花度日其苦更甚至於張所倉妻秦氏劉永瑞妻趙氏劉瑄妻武氏張蘭芳妻馮氏皆撫遺腹子至於成立者以家貧未能請旌良可悼也

孔氏諸生東允妻兵部郎中思忠之兒媳也東允卒守節撫子子亦死借子婦宋氏撫孫宋亦克盡

再續聖訓卷之十 列女

三

婦道督學旌其門曰姑媳雙節

陳氏王錦繼室也守節四十餘年撫前室子成立並子學化食餼又有生員趙齡妻郭氏州牧俱旌其門

王氏華陰徵君山史女歸生員劉莊恬靜淑慎事翁姑兄嫂克盡婦道孀居六十餘年撫猶子如已出督學覺羅公以綉闈全貞四字旌之壽九十九有李氏范居苾妻王氏東國禎妻俱守節撫孤以壽考終督學覺羅公皆旌其門

牛氏郭耀唐妻年二十七夫故辛勤撫孤苦節五

十五年其孫婦史氏郭純妻年二十九夫故苦節四十年蘇洽民之妻龔氏夫亡時年方十九子甫半歲苦節六十餘年其媳戴氏年二十八夫亡撫姪爲嗣劉許妻董氏年二十夫故其媳鳴岡之妻李氏夫故時年二十一無子守節數十年劉振津之妻張氏其子學聖之妻吳氏俱一門雙節抑何志節之不回歟想亦觀型之有自也

馮氏杜厥妻年二十四而夫故子女俱無姑以少寡托鄰婦探其意馮矢志天以死誓惟勤織紡以盡婦道壽六十六卒里人賢之

再續華州志卷之 列女

四

李氏陳爾寶之妻夫亡時年方二十子甫三月家且貧甚李矢志奉姑撫孤勤於績紡雖隆冬暑月不倦女工後子孫林立人咸稱節孝所致享壽八十又有郭聯第之妻王氏二十七而寡其貞節同此王氏張企俊妻年二十一而夫殞無子王以翁姑衰老無依勸翁繼娶後娶一妾生弟三人王皆辛苦撫之成立苦節四十餘年是綿張氏之宗祀者皆王之力也可謂節孝兼得

顏氏黃元禎之妻也年二十夫亡遺一子方週歲顏乃矢志靡他績紡度日竭力奉親育子宗族鄉

里稱賢德焉

何氏楊可妻夫故時何年二十三姑老子幼親族多有窺何議其改嫁者何竟扶姑攜子寄居別里雖屢遭凶荒勤勞不倦白首完節苦志二十六年張氏王宗武妻年二十七夫故遺子爾蕃張苦節撫育及長出外三十年未歸張靜守閨門雖日不再舉並無怨言壽八十更有張宗績之妻劉氏年十八于歸二年夫故遺一子其姑勸其招夫養子張曰烈女不更二夫苦節終身

李氏諸生劉枚妻于歸後其翁向里人長稱其賢

再續雜錄卷之

列女

五

厥後夫患顛狂屢被辱罵安意順受仍爲經理飲食撫養門中姪若孫成立者甚多壽七十九卒

焦氏孫世賢妻年十四于歸三年夫出外越二十年相傳夫亡有以改節勸氏者氏曰夫果亡亦無再嫁理况生死未可必乎乃撫姪孫爲嗣織紡度日又十五年其夫率側室子歸氏且喜且悲遂爲夫妻如初現年八十二

孫氏孫隆女也隆家貧累債夫妻子女四口當於債主供役氏耻之謂父曰女子終于歸人何不將我與人作婢妾可贖父母出苦耶父從之遂字於

無目之史長吉以聘金贖回全家噫若氏者可謂
典身全親者矣年四十三而卒

吳氏翰林武維寧之繼配也已聘未娶維寧由主
事遷職塩法道未赴任卒氏欲奔喪守節其親不
許將另配氏知之七日不食死

陳氏少京兆陳公女字史叔緝氏隨父京師緝赴
京完婚時氏年十九踰年夫故氏知從一之義矢
志靡他父母憐其少欲令他適氏聞之卽尋自盡
以救免絕粒七日而殞又有王烈婦郭氏東氏者
皆女中丈夫也

再續華州卷之十 列女

六

張氏國學陳乃策妻翰林曾慶女也于歸後不數
年夫卽逝遺一女一子越歲子又殞育弟之次子
修爲嗣娶鄭氏生子庭蘭詎意天禍陳姓修又歿
鄭氏亦稱未亡人矣時年二十矢志柏舟績紡督
子入庠婆媳俱苦節數十年若此者可謂姑媳兩
世媿美矣

李氏武舉姬紹武之側室夫亡時年方二十撫孤
成立壽九十二而卒禮部侍郎吳公贈額曰柏節

松齡

張氏吳九文妻年二十六夫故事姑撫孤備極勞

苦姑歿守孝六年人問之氏曰代夫三年耳子經國入庠人咸謂天之報善不爽也涓邑益運司蔣公贈以冰雪爲心四字又有劉朝貴之妻井氏守節三十餘年學憲楊公會旌以額

張氏武善緝妻夫亡氏孀居三十餘年惟織紉供子讀書而已柳文強之妻王氏夫故遺子二歲家貧至於乞食有勸氏改節者氏泣曰餓死事小失節事大蓋苦節四十餘年又有李新緒之妻王氏秦之婉之妻馬氏王克禮之妻郭氏曹偉之妻吳氏李相梅之妻王氏杜宏采之妻劉氏白永成之

再續華州志卷之 列女

七

妻黃氏張繼成之妻劉氏其苦節年例俱同
蘓氏武生屈羣彥之祖母也守節四十七年按察司馬州牧楊俱給旌匾壽八十二卒

史氏武生雍健之配也健故時氏年二十八無子撫姪早夭養母家姪爲嗣又天痛哭幾至於死乃求族孫撫之以繼夫嗣苦節五十餘年現年八十矣此外有國學同景生之母毋氏徐際可之母梁氏范際可之母同氏武常修之妻王氏張師良之妻章氏劉衛西之妻馬氏王自尙之妻張氏焦蘭之妻李氏其年例與史無異

李氏劉筵妻也年二十九夫亡撫孤成立現年八旬其子發祥屢遵母命施米濟急四世一堂雍雍如也

曾氏羅仲隸之妻年二十夫亡無子孝事翁姑迄於姑歿欲殉翁曰汝死則得如老翁何乃止翁歿屢遭凶年時不舉火亦閉戶自守而已鄰里老嫗憐其貧嘉其節時爲賜之苦節四十五年

杜氏舉人肯堂女業儒王友生妻也氏父講學生就學氏父奇之以女妻焉年二十二而夫故氏念翁姑衰老子嗣無人誓以一身肩生事死葬之任

再續蕭臺卷之十 列女

八

聞異議而投繯者數次父任興縣令人搬氏抵任氏以有姑不赴卽氏之母家亦不過歲一歸寧而已六十八歲卒

侯氏胡元絨之妻也夫故時氏年二十一耳家貧無子矢志不二其父母婉諭改節氏卽刺面削指以明心至老面有傷痕無名指缺焉撫姪爲嗣壽六十七卒又有陳德廣之妻雷氏劉遇隆之妻楊氏劉振江之妻李氏范民朗之妻魏氏古開基之

妻張氏魏宏毅之妻彌氏畢開之妻郭氏劉義和之妻程氏諸生楊普之妻李氏劉科之妻王氏魏

學書之妻史氏俱年少守從一之義撫姪爲夫繼嗣皆以壽終者

東氏國學郭成禮之配也年二十三而夫亡子方週歲翁姑以其年少恐有他志令妯娌微探其意氏曰我名門女也又爲世家婦詎肯改節以貽先人羞艱難撫孤成立壽七十三而終更有郭奇之妻宋氏苦節六十年郡侯趙獎以貞節可風之匾劉氏少京兆恪之次子陳元璜妻也于歸五年夫患痰症氏晝夜扶持躬親湯藥不數年夫亡矢志撫孤苦節五十餘年子葆田現任布政司經歷又有郭再造之妻白氏守節三十三年郭鵬展之妻張氏守節四十三年周懷智之妻段氏守節三十四年俱撫孤成立皆

再續臺州志卷之

列女

九

題旌焉更有李節婦東氏騫節婦武氏武節婦王氏李節婦任氏黃節婦閻氏黃節婦王氏馮節婦羅氏郭節婦白氏李周氏武馬氏俱皆旌表建坊其夫不傳氏節均未可沒也

梁氏范蘿之母年二十五而夫亡家甚貧宗族議其再醮氏啼曰姑七旬失明子一歲無依何忍丟去遂堅志守節四十五年撫孤成立親族贈以節

孝兼得之匾

呂氏舉人正官之女幼習孝經年十九歸武門夫
卽出外病故氏卽矢志柏舟貧居與鄰婦講孝經
化者甚衆母弟勸其再嫁怒而拒之絕其徃來享
壽八十六而卒

李氏諸生劉漢英之妻于歸時夫家與甥索姓同
居已二世矣不數年翁姑與兄嫂俱逝夫亦歿遺
一子表姪夫婦年幼氏嘗謂其子姪曰兩姓同居
已更三世在劉惟子在索惟汝爾兄弟其式相好
無相尤焉氏壽七十迄今五世同居其亦可以愧

今之同胞者矣

再續重刊卷之

列女

十

王氏文縣教諭東來紫之繼配也二十五于歸越
二年夫歿於教署聞訃哀痛幾不能生旋卽典當
粧資覓人扶柩歸里殯葬如禮撫遺腹子咸和並
姪咸熙俱至成立

趙氏歸梁門年二十一夫故家貧子幼叔翁欲奪
節夜令人假鬼嚇之氏大呼曰我寡婦與死爲鄰
豈怕鬼耶有田九分蓬頭灌田績紡度日州牧董
公贈以苦志撫孤之匾

楊氏董士班之妻年十九夫亡子半歲績紡撫孤

成立冀氏魏承祥之妻年二十一夫亡子歲餘刺目矢志二氏俱壽七十一而卒

王氏張紹臧之妻年二十一夫故子未週歲劉氏張愈留之妻年二十三夫亡子亦幼其父母俱欲改適氏不從致父女不相顧問家貧撫孤王壽八十六劉壽八十子九徵八州庠焉又有李永嘉之妻張氏潘廷佐之妻車氏皆於艱難中撫孤八庠者更有張國榮之妻雷氏者不特辛苦撫孤並撫姪世傑亦列庠序

陳氏訓導法姚女字史叔繩年二十夫亡育一女

再續華州志卷之 列女

七

氏截髮自誓百折不回獨處一室非至親雖女賔亦禮而焉苦節三十年年五十卒更有劉福貴之妻史氏守節三十九年張志鈞之妻羅氏五十三年陳廷秀之妻陳氏苦節七十七年壽幾百齡則更奇矣

高氏聞必信之繼室于歸五年而夫歿遺子週歲

氏年方二十二耳後夫弟智欲搬氏於己家氏恐

有變不敢從智信爲氏表誓明心乃歸食貧撫孤壽

八十五卒

黃氏田兆麟妻年二十九夫故守節三十九年惠

氏田姓麟之妻年二十八夫亡守節四十九年人稱妯娒雙節

楊氏張鴻烈之妻也以姊妹作妯娒年二十三而寡孝事翁姑及歿事兄嫂儼若翁姑且氏無所出其嫂僅育二女氏撫之出嫁不啻已出二女俱早歿各遺一子氏又撫二外孫俾俱成名焉苦節四十九年

李氏何文耀妻年二十七而夫亡翁姑早逝孝事祖姑撫孤成立又有李緒曾之妻吉氏李三省之妻王氏增生劉維之妻郭氏郭九經之妻王氏者

再續華州志卷之

列女

七

俱孝事祖姑辛苦撫孤成立其年例皆四十餘年王氏武一學之妻也年二十二夫亡家極貧有議他適者氏怒曰婦人從一而已朝張暮李豈不羞乎母家住半石坡夫家住鉄王堡人稱氏曰鉄石王氏壽八十九

吳氏楊宏猷之妻年十九于歸越七年而夫亡遺子三歲且多病氏食糠咽菜而撫之苦節五十二年外有魏永信之妻王氏王景聖之妻劉氏張蘭之妻呂氏周永佐之妻韋氏杜廷起之妻馮氏張崑之妻郝氏巡檢武新遠之妻董氏楊紹曾之妻

馮氏李大有之妻董氏齊以禮之妻黃氏俱皆艱難撫孤者儼然女中丈夫也

屈氏郭蘭妻于歸惟有祖姑在堂年二十而生子夫卽歿於外氏覓人搬喪歸欲以死殉或勸之曰祖姑幼子何依乃止家甚貧晝爲人澣濯夜績紡以度日壽七十七

李氏趙文學妻年二十六而夫亡東承回之妻吳氏年二十夫亡子俱幼李壽六十一卒吳壽七十五卒史永茂之妻曹氏苦節五十六年待姪若子濟源忠烈張公有志凜冰霜之贈

再續新志卷之十 列女

七

史氏王桓武妻苦節五十二年賈氏謝明覺妻苦節四十九年劉氏張文簡妻苦節五十年李氏蘭丕猷妻苦節四十三年雍氏薛爲屏妻苦節五十年又有張宏度之妻郭氏黃桂之妻席氏諸生王治岐之妻張氏俱苦節以孝親撫孤者均可以風也

南氏陳增妻夫亡時氏年方二十耳子女無出撫三月之姪爲嗣氏嘗以空乳育之不數日乳汁湧流六十一卒

卞氏康秉鈞之妻舉人士雅之兒媳也年二十四

夫棄世遺子五歲翁以家貧舌耕他方悲氏有異志常撫孫涕泣氏窺翁志卽截指自誓茹苦撫孤子成立名列國學

申氏程斌妻夫亡時氏年二十九遺一子翁姑衰老兩弟俱幼不數年子天仲弟夫婦俱歿遺子一女一厥後季弟亦逝遺二子氏俱撫養之俾其成立守節四十一年又有蘓曰祥之妻閻氏亦守志撫孤節操畧同

畢氏高純之妻年十八而夫殞其子方三月耳家且貧氏矢志柏舟採薪茹荼事姑撫孤百折不回鄉里贈以閨中鉄漢之匾又有竇永達之妻畢氏守節四十七年楊維之妻傅氏守節五十年李文朗之妻安氏守節四十餘年王良臣之妻史氏五十年秦宜稷之妻王氏三十餘年孫有忠之妻劉氏四十餘年皆皓首完節者也

武氏劉宏之妻夫故無子撫姪爲嗣娶妻產孫而天婦俱殞撫孫娶妻產一曾孫孫媳又逝氏之苦節四十餘年其勞動及及曾孫矣又有李松林之妻李氏年二十而寡子歿撫孫待命壽八十三

畢氏劉大經妻年二十八夫故姑患癱疾奉養備

至姑之胞弟早逝遺一子其妻失明氏體姑志搬
已家同一奉養且以女爲其子作婦焉守節三十
七年

王氏劉整妻年二十二而夫亡姑衰老子未週其
父母以家貧勸他適氏泣曰我姑年老去將誰依
立志守節遂與父母絕徃來享壽八旬

李氏胡自振之妻年十九而夫故遺子尙屬血抱
矢志不二甘心守節撫孤父母翁姑憐其年少孀
居勸其改適氏涕泣不食者數日議乃止苦節四
十年又有東述之妻李氏守節五十年劉茂之妻

再續華州志卷之十 列女

圭

李氏守節五十餘年自得之妻申氏吳廷梅之
繼室畢氏王雲章之妻李氏衛良相之母康氏田
喜顏之妻傅氏其貞操年例俱與此同

勝州賀登雲

曠如山人史 萼續次

麻陽田培因

江寧樸存汪以誠編閱

成紀曹鄒蒞

全校

會稽蔣三達

馳封攷

張爾學以子鯤翔蒙

封工部員外郎配王氏蒙

封太宜人

馬明綱以子思才蒙

再續華州志卷之十一 馳封攷

封襄陽府知府配宋氏杜氏蒙

封太宜人

陳九疇以子斌如蒙

贈布政司叅政道

劉國仕以子澤溥蒙

贈臺州知州配李氏蒙

贈太宜人

党希賢以子聲震蒙

贈禮科掌印給事中

武桓以子維寧蒙

贈工部主事

王雲瑛以子夢熊蒙

贈懷集縣知縣

史鮒以孫茂蒙

贈朝議大夫通政司叅議配王氏蒙

贈恭人

史振孟以子茂蒙

封朝議大夫通政司叅議配杜氏蒙

封恭人

張國芳以孫宏毅蒙

再編華州志卷之五

池討攷

贈文林郎慶陽府教授配段氏蒙

贈孺人

張上徵以子宏毅蒙

贈脩職郎狄道州學正配毋氏蒙

贈孺人

雷爾誇以子殷蒙

贈武德將軍

杜克振以子肯堂蒙

贈文林郎興縣知縣配武氏蒙

贈孺人

党辟疆以孫兆熊蒙

贈文林郎長沙縣知縣配賈氏張氏蒙
贈孺人

党化行以子兆熊蒙

贈文林郎配賈氏王氏薛氏俱蒙

贈孺人

党化醇以奉生子兆熊蒙

贈文林郎配惠氏蒙

贈孺人

史昌孟以子藻蒙

五續華川書卷之五 贈封攷

贈文林郎配陳氏徐氏蒙

贈孺人

王鈺以孫公謨蒙

贈昭武大夫配陳氏蒙

贈恭人

王廷遵以子公謨蒙

封昭武大夫配李氏蒙

贈恭人

李桂以孫灼蒙

贈朝議大夫大定府知府配史氏蒙

贈恭人

李作楫以子灼蒙

贈朝議大夫大定府知府配詹氏蒙

封恭人

王榮恩以子文珍蒙

贈文林郎

姬會武以孫輔清蒙

贈武德郎配武氏蒙

贈宜人

姬禧鳳以子輔清蒙

五編卷之四 贈封攷

贈武德郎配李氏蒙

贈宜人

康克美以子士雅蒙

贈脩職郎靜寧州學正配王氏蒙

贈孺人

王含章以子錦蒙

贈脩職郎城固縣教諭配羅氏蒙

封孺人

王柄以子惟一蒙

贈朝議大夫妻車氏蒙

贈恭人

秦緝丕以子清蒙

贈奉政大夫配李氏蒙

贈恭人

甘永雋以孫明遠蒙

贈武德郎配張氏蒙

贈宜人

甘養福以子明遠蒙

贈武德郎配寇氏蒙

封宜人

再續清獻卷五 馳封歿

張宏業以子寇蒙

贈脩職佐郎配王氏蒙

贈孺人

趙際乾以孫宅邦蒙

贈脩職佐郎隴州訓導配楊氏蒙

贈孺人

趙紳以子宅邦蒙

封脩職佐郎平涼府訓導配李氏李氏蒙

贈孺人

史纘古以子建猷蒙

贈脩職佐郎配施氏蒙

封孺人

趙子蕃以子繩先蒙

贈登仕郎配武氏蒙

贈孺人

吳永美以孫紹姬蒙

贈武信郎配黃氏蒙

贈安人

吳春達以子紹姬蒙

封武信郎配古氏張氏蒙

再續華州志卷之五 馳封攷

封安人

附襲廕

崔洪元 以父文傑難廕守備

武天秩 以父丕爵難廕千總

勝州賀登雲

曠如山人史 萼績次

麻陽田培因

全校

江寧樸存汪以誠編閱

成紀曹鄒蒞

會稽蔣三達

選舉

前志選舉至萬歷七年止續志至康熙二十年

止茲就

國朝開科以來由科貢出身者詳列於篇示詳整也

其進士官職俱隨註於各名下用便覽也

再續華州志卷之十二

一

順治二年乙酉科一人

張鯤翔

丁亥進士工部
虞衡司郎中

順治三年丙戌科一人

潘琬

順治五年戊子科三人

王惟籌

解元 祁
縣知縣

郭燾

寧化縣
知縣

張衛猷

渭南縣籍
華州人

順治八年辛卯科一人

趙光祚

靜寧衛
教授

順治十一年甲午科二人

王鳳彩

鳳翔府教授

同化麟

深楊縣知縣

順治十四年丁酉科一人

李名世

巴東縣知縣

順治十七年庚子科一人

陳遠如

甲辰進士海豐縣知縣

康熙五年丙午科二人

党聲震

丙辰進士禮科給事中

武維寧

壬戌進士翰林院庶吉士改授工部都水司主事

再續書卷之三

選

二

康熙八年己酉科二人

党聲樸

山丹衛教授

史流芳

壬戌進士臨高縣知縣崇祀鄉賢

康熙十一年壬子科一人

薛

桂慶陽府教授

康熙十四年乙卯科京闈一人

雍永祚

寧夏衛教授

康熙十七年戊午科三人

楊

顯解元甲戌進士翰林院編修四川道監察御史江西學政

張

武強縣知縣

王庭城庚辰進士繁昌縣知縣

康熙二十年辛酉科一人

焦麟

康熙二十三年甲子科三人

張曾慶解元辛未進士官翰林院檢討

劉肅亞元內閣中書

呂正宮拾村里人葭州學正

康熙二十六年丁卯科二人

任爾藩

孫之耀

再續華州志卷之三 選舉

康熙三十九年庚午科京闈一人

呂耀涓拾村里人延安府學教授

康熙三十五年丙子科一人

姬承祖徽州學正

康熙四十一年壬午科二人

孫息涇州學正

武希武

康熙四十四年乙酉科一人

薛燮

康熙五十年辛卯科二人

楊廷棟 仰陽教諭

武公遜

康熙五十三年甲午科二人

史昌孟 流芳孫振孟弟癸卯進士浙江於潛縣知縣

史振孟 臨潼縣教諭

康熙五十六年丁酉科一人

劉奉時

康熙五十九年庚子科一人

杜克振

雍正元年癸卯科三人

再續華志卷至 選

李潤 亞元石首縣知縣

張鴻毅 歷任蘭州狄道州學正慶陽府教授

王曰仁 四川大足縣知縣

雍正二年甲辰科三人

史茂 流芳曾孫振孟子本年進士河曲縣知縣歷官至戶部郎中太常寺少卿順天

府丞

杜肯堂 克振子山西興縣知縣

陳啟芸 京闈

雍正四年丙午科三人

吳錦邦 長蘆鹽大使

張珂 丁未進士 平和縣知縣

黃瑄 安徽廬江縣知縣

雍正七年巳酉科一人

劉紱 丁巳第二名進士 慶陽府教授

雍正十年壬子科五人

王克鶴

康士雅 靜寧州學正

胡鳴謙

王緝祖 丙辰進士 江西信豐縣知縣

竇承泰 渭南縣教諭

嘉慶蕭臺三選舉

雍正十三年乙卯科四人

李廷獻 慶陽府教授

張健 咸寧縣教諭

王有謨

史萼 流芳曾孫 振孟子 茂弟 石埭縣知縣

乾隆元年丙辰科四人

梁連豐

東來紫 文縣教諭

史廷輔 國子監學錄

何清晏 岐山縣教諭 未赴任 辛

乾隆六年辛酉科一人

張仁

乾隆九年甲子科一人

焦忠

乾隆十二年丁卯科一人

馮雲
臨潼縣教諭

乾隆十七年壬申科三人

王錦
城固縣教諭

党兆熊
甲戌進士歷任永豐新建長沙縣知縣

秦清
庚辰進士河南雲南道監察御史戶科給事中官至通政司通政使

嘉慶卷五

六

乾隆十八年癸酉科三人

王惟一
歷任建平饒陽知縣池州府同知現任貴州銅仁府知府

秦浩生
清兄

王士棻
京闈甲戌進士翰林院庶吉士歷任刑部郎中西廣西主考貴州雲南提督學政江蘇按察使刑部右侍郎

學政江蘇按察使刑部右侍郎

乾隆二十一年丙子科二人

李灼
丁丑進士歷官思南大定福寧府知府

郭安

乾隆二十四年己卯科一人

王鐸
甘肅涼州訓導

乾隆二十五年庚辰科一人

張期留 鳳翔縣教諭

乾隆二十七年壬午科一人

杜德元 臨潼縣教諭

乾隆三十年乙酉科一人

郭景禹 官秦州學正

乾隆三十三年戊子科二人

王世永 緝祖孫丁未進士官兵馬司指揮

李維邦 正寧縣教諭

乾隆三十六年辛卯科二人

再續華州志卷之三 選舉

郭庠彥 前己卯科忱之曾孫

史藻 流芳曾孫昌孟子茂從弟乙未進士任廣東博羅縣知縣肇慶府知府

乾隆四十二年丁酉科一人

武萬選 官平涼縣教諭

乾隆四十五年庚子科一人

王士華 士榮弟

乾隆五十一年丙午科二人

杜力學 大漲里人

關爾泰

國朝副貢

李星耀

順治戊子
嵩縣知縣

陳斌如

順治丁酉廣西蒼梧兵備
道布政司叅議崇祀鄉賢

魏盡臣

順治丁酉
戶部郎中

孫方
順治丁酉

党翊洛

康熙王
午科

杜緒年

康熙甲午京闈
鹽大使

武善承

康熙丁酉
岐山教諭

王文煥

康熙庚子歸
順州知州

王秉孝

雍正乙卯官湖
南茶陵州州判

陳日瑁

乾隆丙辰
考授縣丞

王士棻

乾隆庚午癸酉京闈中式甲戌進
士翰林院庶吉士現任刑部郎中

再續壽卷之三 叢

八

杜三元

乾隆
丙子

申象乾

乾隆
己卯

武宿衛

乾隆
丙午

國朝恩貢

羅人望

考授
通判

王始禹

康熙辛酉
茂州知州

孫織錦

康熙
丁卯

王大鎮

雍正
癸卯

屈雲錦

乾隆
丙辰

曾大定

乾隆
壬申

郭棟 乾隆壬午

東紹孔 乾隆壬辰

薛廷榮 乾隆庚子

康爾慶 乾隆丙子

國朝拔貢

高漸盤 柏鄉縣丞

馮士奇 泗州同知

郭恭 道州判

馬思才 湖北襄陽府知府

雍永祚 康熙乙卯京闈中式寧夏教授

羅壽齊 翠雲選

呂耀渭 康熙庚午京闈中式

梁大有 康熙丁丑年

孫世庸 雍正癸卯衡山縣知縣

武善繼 雍正巳酉醴陵縣知縣

姬永澤 雍正乙卯嘉善縣縣丞

杜三元 乾隆辛酉

曾一貫 乾隆癸酉乾州學正

史記勛 乾隆乙酉

史芝 乾隆丁酉分發直隸布政司理問

王士華 乾隆丁酉優貢

國朝歲貢

閻紹前

范堯化

安定 教諭

于希龍

閻閻端

古師契

郭巍立

劉洙

考授 縣丞

孫方

薛國蘭

李先耀

賈國璽

張爾翼

溫思孔

种起元

雷衍

李纘祖

王琛汝

會寧州 訓導

王璐

杜煌

張必泰

武桓

吉天成

張爾勵

張鳳翥

徐超

王琇

寧遠縣 訓導

何璋

夏續肅卷三 選舉

李春熙

薛燮

乙酉科 中式

王士彥

固原 訓導

杜錦

楊際泰

史傳信

高首生

保安縣 訓導

薛若蕙

呂韶音

屈茂桂

王令新

麟遊縣 訓導

李松年

郭崐

田錫

吳貞憲

石泉縣 訓導

張元玠

通渭縣 訓導

郭芭

成縣 訓導

張治致

張又華

屈養氣

惠文燮

張珽

寧州 訓導

吳之元

薛元培

徐瑗

陳乃籓

趙育錦

李藻斗

張婁

杜廷淡

張奎

周易

岳秀

通渭縣訓導

田振行

曾魯

李光斗

黃璿

党呈彬

郭煥

武敬業

神木縣訓導

党鯤

莊浪縣訓導

劉又向

孫世葆

張燮

懷遠縣訓導

郭櫓

武青雲

党鯨

郿縣訓導

吳起鰲

薛紹業

岳乃萃

階州訓導

蘇辰生

陳健

陸士勤

杜文學

郭炳

王嶷

秦州訓導

吳開泰

雒南縣訓導

王文元

張行書

梁廉

再續壽寧縣志 選舉

士

蘇潤

杜大受

周寧遠

劉其瀚

李浩

武宿衛

丙午科副榜

張思敬

例貢武嗣徽

寧夏右路同知

劉世美

附貢

姬慕祖

考授縣丞

王肇禹

增陳憲姚

福建古田縣知縣

王吉士

附貢

陳恪

歷官懷慶府知

府順天李

高

王蔚熊

雲南府同知

王廷聰

附貢潼關衛教授

楊宜時

張法震

附貢

王有年

增貢

郭成

麟附貢州約正

陳乃笈

史

柱

附貢

張福

鉅貢捐州約正

魏良琰

陳文笈

附貢

王廷璣

蘭州府同

呂大經

附貢杜蔚

蔚

閻端

考縣丞

楊宏統

南渭縣丞

張

珣考州同史景芳晉江典史楊宏統洪同縣丞閻國祥通州吏目

徐官佑清源典史馬相君利澤典史郭革蘭溪典史楊雜清

龍勝通判郭成詩鶴峯州吏目呂大韶附貢王用鏐隸

順德府知府昭昭增貢武良相附貢彌附貢楊元梓

孝感縣知府陳滌新尤溪杜大年唐縣楊元椅其南

事杜大任廩趙繩先惠州府史建猷荆門宋全

義膠州杜有年獻縣董緯太平驛謝守媚

聊城王祐定興党日晟融縣張鑑藍江黃

中治刑部黃象坤堪都巡檢劉振彩河南府經歷董嘉會

排山驛陳勳寧州稅課大使李奕煥武岡州王志賢新

典史陳笏奉天張仁勤縣鄭珍德州楊

煜西城兵馬司吏目王公譜濟寧官劉怡附貢馬德芳廩

張起元附貢薛秉正西城兵馬司吏目趙宅邦廩貢李

茂華布政司雷人經附貢雷人綱附貢劉靖西布政司張

純脩廩貢王志滌內閣中書陳葆田捐布政司問杜承

德捐中杜承譜同州魏大有捐州張珣考州

張繼文考州楊澐考州党翊部考州李三英

考縣張文坊考主冀活祥考吏杜惟直考吏王

廣德杜惟正郭明倫張君昌雷經緯

張文選以上俱捐縣丞劉自西捐從九張文義捐從九謝宗

五籍蕭秦至

璋捐從九 薛守正捐從九 史天錫捐從九 李元魁捐從九

陳戊章 趙吉 郭帝眷 李景唐 張

贊 雷明瑜 陳榮 范萼 趙伯明

席璋 曹振翮 洪九疇 趙天璽 屈大

偉 吉伯隆 楊廷柱 曾大周 李景秀

王仕當 姚之禮 姬承祖 屈從詔 康宏

仁 劉光漢 史實錄 王綜及 劉世芳

東緒先 張廷寧 鄭鵬起 高蘭 王建

訓 高喆生 吳廷相 同登第 魏之玘

李國標 宋守先 秦永和 梁秋成 張紹

羈縻卷之三 選舉

祖 王文穆 薛澤 東振基 趙本忠

周翔鳳 雷大琰 楊承基 位呈祥 張

楫 張鐸 高丕烈 李必達 彥聖

王端本 趙定宗 魏廷讓 楊福崇 王大

佑 劉治和 王堯臣 劉潤德 張佑唐

王瑩 趙廣宗 王廷瑞 王繼 种玉

瑾 楊國榮 徐務本 馮秉樸 甯再基

時敏事 楊煥文 候萬春 張文治 白

秀 李瑚璉 魏鋒以上俱保職員

順治二年乙酉科一人

孔紹脉

任鷹揚衛左所千總

順治十一年甲午科一人

惠深

順治十四年丁酉科一人

潘璣

順治十七年庚子科一人

郭王畿

康熙二年癸卯科二人

王緒祖

再續華州志卷之三 選舉

古

郭震華

康熙五年丙午科一人

張大義

康熙八年己酉科二人

雷殷

張元開

康熙十一年壬子科四人

苟張永

丙辰進士

武廷翰

詹永鉅

姬紹武

康熙十七年戊午科一人

楊企震

康熙二十年辛酉科一人

梁遜

康熙二十三年甲子科二人

鄭耀龍

張錢 直隸沿河
口千總

康熙二十九年庚午科一人

惠宏

黃籍華州卷之三 選舉

雍正四年丙午科二人

屈爾泰 任運糧河千
總陞授守備

宋海基

雍正七年巳酉科二人

李文吉

張廷雋 丙辰
進士

雍正十三年乙卯科一人

王士彥 巳未進士任河
南懷慶府守備

乾隆元年丙辰科三人

宋鴻基

王公詢 丁巳進士

薛創基

乾隆六年辛酉科二人

顏大經 甘肅中營千總

郭奠國

乾隆九年甲子科一人

王公謨 乙丑進士任廣東左江鎮都司

乾隆十二年丁卯科三人

王正陽 任甘肅肅州鎮守備

武丕爵 任甘肅紅崖堡守備出征金川陣亡奉文加一級廕子天秩以千總用

甘肅肅州志卷之五

去

王國棟

乾隆十五年庚午科一人

劉廷舉

乾隆十七年壬申科一人

劉崇德

乾隆十八年癸酉科二人

鄭德嘉

甘寧遠

乾隆二十一年丙子科一人

甘明遠 兵部差官期滿以營守備用

乾隆二十四年巳卯科一人

姬輔清

解元庚辰進士任浙江衢州府守備

乾隆二十七年壬午科一人

王化陽

任河南通許縣把總

乾隆三十三年戊子科四人

郭德元

分發四川候補千總

吳紹姬

任河南陳州千總

甘灼章

劉朝鼎

乾隆三十五年庚寅科二人

張焯烈

提標學習

馬肅華

卷五

七

康聯甲

提標學習

乾隆三十六年辛卯科一人

王名震

乾隆三十九年甲午科一人

郭掄魁

乾隆四十二年丁酉科一人

鄭紳

乾隆四十四年己亥科一人

劉輔成

乾隆四十八年癸卯科一人

鄭得震

乾隆五十一年丙午科一人

徐殿元

國朝武官職

閻國寶

漢中府副將

陳功

浙江處州衛後

崔文傑

田行伍補授陞任

四川阜和營遊擊出征金井

欽捐職

王福棟

捐職

馬可棟

捐千

獨振遠

千總

史果亭氏萼曰余自歸田後鄰邦賢侯延主講席
鹿鹿車塵間奔走不遑也歲乙巳又蒙首府和太
尊延至署內爲嗣君訓解書義今歲丙午端陽之
月叨本州汪父臺命以華志之役僕係華籍不
敢以不文辭又不敢以衰朽諉歸而應命商確奈
訂編次如左維時首董其事者辛卯孝廉郭君庠
彥恩貢薛君廷榮太學生趙君寧邦捐職千總馬
君可棟採訪者北鄉則歲貢杜君文學恩貢康君
爾慶東鄉則貢生劉君怡庠生張君侃西南鄉則
廩生李君濬庠生王君昧且又西南則歲貢梁君
廉庠生王君喆咸矢公矢慎竟明克勤而左右贊
勳余者余男拔貢候銓教諭詎勛太學生記烈余
姪庠生記勳廩生記鼎余姪孫庠生可久增生可
省余孫庠生可遵受業門人文童宋之桐例得並

書

再續華州志後序

華郡非無志也其一爲張西華公所修其一爲劉明經所修張志則自歷代相沿迄前明隆慶劉志則自隆慶後迄於

國朝康熙甲子顧由甲子而來至於今百有餘年矣字

迹蠹蝕版籍闕殘訛以承訛舛以承舛閱之者碍難寓目每有殘缺失次之憾第以華介衝衢蒞斯土者勞勞於簿書鞅掌急急於發號施令而不暇歲

汪侯以南邦名宿歌鹿鳴而來陝右屢膺劇邑治教

修明歲癸卯由涇上卓績報最晉蒞華郡公知當務

再續華州志後序

一

爲急卽以治涇者治華越數載政通人和百廢俱興遂議修志焉廼議及修志而汪侯則又有穆然深念者謂張志之成於前明也

國朝名公漁洋先生實嘉歎之今而易焉是昔人之錦

繡湮沒毀裂於茲日也當劉志之修雖有所增益亦僅居於續焉耳兩志咸各仍舊籍爲之重梓令其維新至於甲子迄今之百有餘年則以委余再續焉夫

此上下百餘年之久典制或因或革田賦或贏或縮

以及譽髦碩士閨闈淑女忠孝節廉之臚列亦云夥

頤矣雖山川疆域諸條兩志已具者無事更張而余

齒屆耄耋管城久闕辭之不獲又以托處宇下不敢
固辭乃體 汪侯地山山天盛意爰徵所見述所聞
更繹諸所傳聞聽輿人之頌聲稽月旦之品題爲之
考其行實綜其始終又加以 汪侯之點定檢閱更
互演繹藉而成帙質諸後之君子謹復 汪侯之命
云爾已矣若云修志則吾豈敢已於志尾撮其顛末
更爲之跋如此云

原知江南石埭縣事郡人史萼撰

